

19 Ikenh Eghkyadare aghtyawenraghtserakeh, wakiheyonh ji-nonka ne ji-niwennyh eghwakihheyade, ne ne ayudonhonh se Akonnheke ne Niyoh-neh.

20 Deyonkhiyendanhare wakyaghriskon Keristus: ethosane nenne Konnhe; nok shekonh yaghden n'I-ih, ne ok ne Keristus skonnheghkonh: neony ne skonnhhe ne nonwa ne skonnheghkonh ne akewaghronneh Skonnhe ne jideweghdaghkonh ne Niyoh Royenhah, rake-noronghk'wa, neony rodadewendeghdonh ne iih akeriwa.

21 Yaghden Dewakerighwakenghradany ne raodenrat ne Niyoh: ikenh dokat aderighwakwarighsyonghtserakonh yaaonwe aghtyawenraghtserakonh, nenkady kenna ne Keristus jirawenheyonh-ne okhoriwakon akenhake.

CHAP. III.

Wahharighwanendon oghnakhoden sahhodiyadonneke ne jideweghdaghkonh, neony eghwakhontyadanyonden aghtyawenraghtserakeh? Ro-nonhha ne ne tho-neghdaghkonh ne akoyadake-nhaghtsera.

O KENDEGHSEROWANENH *Galatians*, onghka neken dayetshi-nikonghrayeride, ne ne jiyaghdesewadewennaraghkwenh ne dokenghskeonweh neony ohhendonh ji-sewakarat ne Yesus Keristus ok thiyutkwathonh jiegghniyawenhonh, dehhonwayendanhare sewanenrakonh?

2 Ne ok ne ken-ikenh enhskwanigonhrayendahten, Seyaye-nah genh ne kanikonghraonweh ji-nikayudenghserodenh ne naghtyawenraghtsera nyuderighwakwarighsyonh, ne denhens okne sewathondek ne deweghdaghkonh?

3 Eghkenh nisewendeghserowanen? nendisewadaghsawe ne kanikonghrakwe-niyukeh, o-nenkenh nonwa jise-waderighwaghrakwenh ne nowaghronneh?

4 Ne sewadondaghwany eso ji-niyadekariwakeh okhoriwakon genh? doka nonkenh shekonh ok thiyesewarighwaraonh.

5 Ne wahhonny Raonhha rodennhaonh deyetshirighwathedenny ne Sewanikonghrakeh, nokhony yoyudenghseraneghrakwaghd-nyon ji-nihhotyerenh sewentyughkwakonh, eghkenh nihhoyerenh ne kayudenghserakeh ne natdakwarighsyonghtserakeh, ne denhens naejathondeke ne deweghdaghkonh?